

# KENYATAAN MEDIA



**KEMENTERIAN PERDAGANGAN DALAM NEGERI DAN KOS SARA HIDUP**  
No. 13 Persiaran Perdana, Presint 2,  
62623 Putrajaya

No. Telefon : 03-8882 5562  
No. Fax : 03-8882 5569

## **SESI LIBAT URUS YANG BERHORMAT MENTERI PERDAGANGAN DALAM NEGERI DAN KOS SARA HIDUP DENGAN MPOB DAN PEMAIN INDUSTRI MINYAK MASAK**

**PUTRAJAYA, 6 DISEMBER 2022** – YB Datuk Seri Salahuddin Bin Ayub, Menteri Perdagangan Dalam Negeri dan Kos Sara Hidup (KPDNKSH) telah mengadakan Sesi libat urus dengan pemain-pemain industri minyak masak dan wakil-wakil Persatuan Pengilang Minyak Masak Malaysia. Sesi libat urus ini turut dihadiri oleh Datuk Ketua Setiausaha KPDNKSH, Datuk Timbalan Ketua Setiausaha KKPT, pegawai-pegawai kanan KPDNKSH dan MPIC.

2. Sesi libat urus ini diadakan bertujuan untuk YB Menteri mengenali dengan lebih dekat pemain industri, memahami permasalahan dan mendapatkan data penting sebelum dasar-dasar serta gerak kerja yang inovatif dapat dibangunkan dalam meningkatkan prestasi industri ini di samping bersama-sama membantu kerajaan dalam menangani kos sara hidup rakyat.

3. Dalam libat urus ini juga, MPOB telah membentangkan cadangan berkenaan dengan harga dua peringkat (2-tiered pricing) termasuk polisi dan mekanisma pelaksanaan. Saya amat gembira bila pemain industri bersedia menimbangakan pelaksanaan 2-tiered pricing dan ini akan diperincikan sehingga semua aspek diambil kira.

4. Pemain industri telah memberikan input yang positif terhadap impak harga siling bergerak, harga minyak masak bersubsidi dan harga minyak masak terpakai terhadap bekalan di pasaran.

5. Cadangan dan input yang diberi sangat berguna dan akan dicerakin dengan lebih terperinci sebelum sesuatu keputusan dan polisi baru dibangunkan supaya situasi menang-menang dapat dihasilkan untuk pengilang, peniaga dan pengguna.

6. Kerajaan sangat prihatin dengan situasi sekarang dan sentiasa komited dalam menangani isu harga dan bekalan. Kementerian akan terus meningkatkan usaha membantu mengurangkan beban rakyat dan tidak akan teragak-agak untuk menguatkuasakan undang-undang sedia ada di bawah bidang kuasa Kementerian seperti Akta Kawalan Harga dan Anti Pencatutan 2011 (AKHAP) dan Akta Kawalan Bekalan 1961 (AKB) untuk memastikan isu harga dan bekalan sentiasa terkawal.

**YB DATUK SERI SALAHUDDIN AYUB**  
**Menteri Perdagangan Dalam Negeri dan Kos Sara Hidup**  
**Putrajaya, 6 Disember 2022**

**#End#**

## LATAR BELAKANG

Kementerian Perdagangan Dalam Negeri dan Kos Sara Hidup (KPDNKSH) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampai sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkap dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusan, dan hasilnya adalah negara yang seimbang dari segi ekonomi dan sosial.

Agensi di bawah KPDNKSH:

